

嘉靖惟揚志卷之三

歷代志

郡人盛儀輯

古者列國各有史書揚在春秋分屬吳越吳越春秋備有成書事多江南各載本志切於廣陵間有數條歷茲以往則有諸史治亂興衰咸足勸鑒書其大者備一郡史爾

唐堯之興因顓帝所建為九州東南曰揚州爾雅江南曰揚

州註自江南至海

虞舜肇十有二州其一曰揚州

夏禹平水土還為九州淮海惟揚州彭蠡既豬陽鳥

歷代 惟揚志卷之三

攸居三江既入震澤底定篠簜既敷厥草惟夭厥木惟喬厥土惟塗泥厥田惟下下厥賦惟下上上錯厥貢惟金三品瑤琨篠簜齒革羽毛惟木島夷卉服厥篚織貝厥包橘柚錫貢汭于江海達于淮泗

商湯奄有九有制如夏

周武王受命亦為九州東南曰揚州其山鎮曰會稽其澤藪曰具區其川三江其浸五湖其利金錫竹箭其民二男五女其畜宜鳥獸其穀宜稻

景王二十一年楚世子建奔宋楚殺其傅伍奢及子

尚伍員奔吳員至江上有遇浣紗馮氏女及漁父丈人事今儀真胥浦乃漁父臙舟處留雞

山乃員留雜
祭浣紗女處

敬王三十有四年秋吳城邗溝通江淮

杜預釋云於邗江築城穿

溝東北通射陽湖
西北至宋口入淮

元王三年冬十一月越滅吳

越子會齊晉及諸侯于徐州

世家曰句踐已平吳乃以兵北渡淮與齊晉諸

侯會于徐州

越人致貢王賜越子胥為伯越子會諸侯于徐州

春秋曰越使使號今齊楚秦晉皆輔周室血盟而去

越子以江北地至泗上與楚以泗東地與魯歸吳所

侵宋地

世家曰句踐已會渡淮而南兵橫行於江淮東諸侯畢賀號稱霸王

歷代

惟揚志卷之三

二

烈王三十五年楚滅越盡取吳故地

秦王政二十四年秦滅楚虜王負芻置楚郡

秦始皇帝二十八年帝東巡上鄒嶧山封泰山遂登

琅邪渡淮浮江至南郡而還

二世皇帝元年秋七月楚人陳勝起兵於蘄自立為

楚王

廣陵人邵平為楚徇廣陵未下聞陳王敗乃渡江矯王令拜項梁為上柱國曰江東已定急引

兵西擊秦

二年夏六月項梁立楚懷王孫心為楚懷王都盱眙

楚義帝元年春正月項籍尊楚懷王為義帝都郴

二月項籍自立為西楚霸王

王梁楚地九郡都彭城

漢王四年立英布爲淮南王十二年反兵敗被殺
五年徙齊王信爲楚王後赦爲淮陰侯

漢高帝六年庚子立從兄賈爲荆王分封淮東五十
三縣

十一年乙巳秋七月立子長爲淮南王

十二年丙午立兄子濞爲吳王

文帝六年丁卯淮南王長謀反廢徙蜀道死

十六年丁丑夏四月分淮南地立厲王子三人爲王
安爲淮南王勃爲衡山王賜爲廬江王

景帝三年丁亥春正月吳王濞反以周亞夫爲太尉

歷代

惟揚志卷之三

三

將兵討之二月亞夫大破吳軍濞亡走越東越人殺
之

徙汝南王非爲江都王

武帝建元元年冬十月舉賢良方正直言極諫之士
以董仲舒爲江都相

二年壬寅冬十月淮南王安入朝

三年癸卯冬十月閩越擊東甌遣使發兵救之徙其
衆于江淮間

元朔二年甲寅冬賜淮南王几杖毋朝

五年丁巳夏六月削淮南二縣

元狩元年己未冬十月淮南王安謀反自殺

六年甲子夏四月立子胥為廣陵王初作誥策

元封元年辛未冬十月東越殺王餘善以降徒其民

江淮間

五年置十三部刺史

宣帝本始四年以黃霸為揚州刺史

帝玄更始元年王莽廬江連率李憲據郡稱淮南王

光武建武三年秋七月遣兵徇江東揚州平

六年吳漢等拔胸斬董憲龐萌江淮山東悉平

十四年封荆王子元壽為廣陵侯

歷代

惟揚志卷之三

四

明帝永平十年春二月廣陵王荆有罪自殺國除

順帝陽嘉元年三月揚州妖賊章河等作亂殺長史

漢元年以張綱為廣陵太守綱招降劇賊張嬰

冲帝末嘉元年廣陵張嬰據郡反

三月拜九江都尉滕撫中郎將督揚徐二州事冬十

一月歷陽盜華孟稱帝撫進擊張嬰及孟皆破斬之

東南悉平

獻帝初平元年以張超為廣陵太守超辟郡人臧洪

為功曹洪勸超會關東州郡起兵共討董卓

四年袁術進兵封丘曹操擊破之術走壽春自領揚

州事刺史陳瑀據壽春領州事

興平元年孫策渡江居江都

九月以劉繇為揚州刺史

二年夏四月曹操攻拔定陶呂布走歸劉備留廣陵太守張超守雍丘

冬十月陶謙以管融為下邳相使督廣陵下邳彭城糧運曹操擊破陶謙融走廣陵殺太守趙昱放兵大掠劉繇討之融敗走死

建安元年劉備東取廣陵

二年韓暹楊奉寇掠徐揚間劉備誘奉斬之暹亦為

歷代

惟揚志卷之三

五

人所殺

三年以陳登為廣陵太守

劉繇卒孫策命太史慈撫安揚州

廣陵太守徐璆得傳國璽上之

五年以劉馥為揚州刺史流民歸者以萬數

十八年并十四州為九州

曹操徙濱江郡縣民驚皆東渡江

帝禪建興二年秋八月魏主丕以舟師擊吳臨江而還

三年夏五月魏主丕以舟師伐吳冬十月魏師臨江

而還

六年吳人誘魏揚州牧曹休戰於石亭大敗之

九年冬十月吳人誘敗魏揚州刺史王凌兵於阜陵

十二年吳遣孫韶張承入淮向廣陵淮陰

延禧四年四月吳使全諒略淮南魏將軍王凌與戰

敗之

魏置淮南北屯田廣漕渠

十六年吳師圍魏新城揚州牙門將張特固守不能

拔

十八年春正月魏揚州都督毋儉刺史文欽起兵

歷代

惟揚志卷之三

六

討司馬師師擊敗之欽奔吳儉走死

以諸葛誕為鎮東大將軍都督揚州諸軍事

二十年魏揚州都督諸葛誕起兵討司馬昭六月昭

奉其主髦攻之吳人救之不克而還

景耀元年魏司馬昭拔壽春殺諸葛誕

晉太始四年晉揚州都督石苞罷

苞父在淮南威惠甚著

晉武帝太康十年徙皇子允為淮南王都督揚江三

州諸軍事立孫適為廣陵王

晉惠帝元年秋八月立廣陵王適為太子

末康元年秋八月淮南王允討趙王倫不克而死

十二月議郎周玘等起兵攻石冰推前吳興太守顧秘都督揚州九郡事

永興元年廣陵度支陳敏及周玘擊石冰於建康斬之揚徐二州平以敏為廣陵相

二年陳敏據江東江夏太守陶侃將兵討破之

懷帝永嘉元年陳敏將顧榮周玘殺敏以降秋七月以琅邪王睿為安東將軍都督揚州諸軍事鎮建業五年琅邪王睿逐揚州都督周馥以王敦為刺史都督征討諸軍事

愍帝建興元年左丞相睿遣世子紹鎮廣陵

歷代

惟揚志卷之三

七

元帝建武元年封子衷為琅邪王奉恭王後鎮廣陵太興四年夏五月免揚州僮客以備征役

明帝太寧元年夏四月王敦移屯姑孰自領揚州牧

二年六月加司徒王導大都督揚州刺史督諸司討

敦

以郗鑒都督揚州八郡軍事

成帝成康元年郗鑒使廣陵相陳光將兵入衛

二年三月以殷浩為揚州刺史

帝奕太和四年冬十一月大司馬桓溫徙鎮廣陵

溫發

徐兖州民築廣陵城時征役既頻加之疾癘死者十四五百姓嗟怨

武帝寧康三年秋七月以桓冲為徐州刺史謝安領

揚州牧

冲以安素有重望以揚州讓之自求出外

以謝玄鎮廣陵

玄募驍勇之士得彭城劉牢之等數人以牢之為參軍領精銳為前鋒戰

無不捷時號北府兵敵人畏之

四年五月秦陷盱眙進圍三阿謝玄連戰敗走之

八年冬十一月謝石謝玄等大破秦兵于淝水殺其

大將苻融秦王堅走還長安

先是玄遣廣陵相劉牢之帥精兵五千渡洛澗

擊梁成軍大破斬之於是石等水陸繼進

十年太保謝安出鎮廣陵築新城

安帝隆安四年六月孫恩寇丹徒劉裕擊破之恩北

歷代

惟揚志卷之三

八

走陷廣陵

三年春二月桓玄以桓弘鎮廣陵孟昶殺桓弘據其

郡

義熙四年春正月劉裕自為揚州牧錄尚書事

十一年司馬休之出奔秦秦以為揚州刺史

晉恭帝元熙元年以劉義真為揚州刺史

宋武帝永初元年檀道濟出鎮廣陵監淮南諸軍

三年魏遣司空奚斤督諸將擊宋取青兗諸郡宋遣

南兗州刺史檀道濟救之

宋文帝元嘉二十七年魏人侵宋使中書郎魯秀出

廣陵所過殘滅城邑望風奔潰

二十八年春正月魏師還魏主大會羣臣於瓜步掠居民焚廬舍而去

宋主聞有魏師命廣陵太守劉懷之逆燒城府船乘

盡帥其民渡江

宋今民遭寇者蠲其租調魏人破南兖等六州殺掠不可勝計土地無餘春燕

歸巢於林木

宋置東揚州晉氏南遷以揚州為京畿殺帛所資出焉以荊州為重鎮甲兵所聚在焉常使

大將居之二州戶口居江南之半宋主惡其疆大乃分揚州浙東五郡置東揚州

大明三年夏四月宋竟陵王誕及廣陵宋主遣兵討

之秋七月宋克廣陵劉誕伏誅廣陵城中士民無大小宋主悉命殺之沈

歷代

惟揚志卷之三

九

慶之請自五尺以下全之女子為軍賞猶殺三千餘口

宋明帝泰始四年秋七月以蕭道成為南兖州刺史

齊主蕭道成以其子嶷為揚州刺史

齊以張緒領揚州中正

齊主寶卷末元二年春正月齊豫州刺史裴叔業以

壽陽叛降于魏魏遣司徒彭城王勰領揚州刺史鎮

之

秋八月齊攻魏壽陽魏人擊敗之遂取淮南地以王

肅為揚州刺史

魏世宗景明二年冬十月以任城王澄都督淮南軍

事

正始四年秋八月以李崇為揚州刺史

崇多事產業長史辛琛屢

諫不從遂糾之詔並不問崇謂琛曰長史後必為刺史不知得上佐何如人耳琛曰若萬一切忝得一方正長史朝夕聞過是所願也崇有慙色

梁武帝天監十三年冬築淮堰

發徐揚率二十戶取五丁以築之

大通元年冬十月梁將湛僧智夏侯夔圍魏廣陵克之

三年冬魏南兗州人執刺史劉世明以降于梁梁遣

歸魏

大清三年夏侯景陷梁廣陵

歷代

惟揚志卷之三

十

簡文帝大寶元年侯景陷廣陵殺梁祖皓屠其城

世祖承聖元年二月梁王僧辯遣陳霸先將兵向廣

陵擊敗侯景景亡走吳

秋七月梁陳霸先圍廣陵不克引還江北之民從霸

先濟江者萬數口

三年春陳霸先侵齊自丹陽濟江圍齊廣陵

陳高祖太建五年秋七月陳敗齊師克巴州山陽廣

陵等處

十一年冬十月周行軍元帥韋孝寬侵陳克壽陽及

廣陵

隋開皇七年二月開揚州山陽瀆

八年冬十月隋以晉王廣為淮南行省尚書令行軍

元帥帥師伐陳命吳州總管賀若弼出廣陵

煬帝大業元年春二月開通濟渠引汴水開邗溝置

離宮造龍舟發民十萬開邗溝入江廣四十步旁築御道樹以柳

八月帝如江都

二年夏四月帝發江都還東京

六年二月帝如江都以王世克領江都宮監帝數幸江都世

克能伺候顏色雕飾池臺奏獻珍物由是有寵

七年春二月帝自將擊高麗救河南淮南江南造戎車五萬乘江淮以南民

歷代惟揚志卷之二 十一

夫及船運黎陽及洛口諸倉米舳舻千里往還常數十萬人晝夜不絕死者相枕天下騷動

命虎牙郎將趙六兒將兵萬人屯揚子以備南賊時

郡朱爨晉陵管崇兵起故也崇遣將陸嶺破六兒營收其器械軍資衆至十萬

吐萬緒擊劉元進破之管崇敗死詔徵緒還遣王世

克代將元進朱爨皆敗死

杜伏威起兵掠江淮

十一年詔江都更造龍舟

東海李子通據海陵

十二年秋七月帝如江都命越王侗留守殺諫者任

宗崔民象王愛仁

遣光祿大夫陳稜擊李子通等敗之

帝至江都江都郡丞王世克獻銅鏡屏風遷通守歷陽郡丞趙元楷獻異味遷江都郡丞王世克密為帝簡閱江淮間美女獻之

九月以江都婦女配將士

恭帝侗皇泰元年三月隋宇文文化及弒其君廣於江都立秦王浩

宇文文化及發江都

唐高祖武德二年隋東海北海東平須昌淮南諸郡皆降于唐

歷代

惟揚志卷之三

十三

李子通稱吳帝於江都

太宗貞觀元年二月分天下為十道其一曰淮南

高宗總章二年夏四月徙高麗戶於江淮諸州

中宗嗣聖元年英公李敬業起兵揚州太后遣將軍

李孝逸擊之

九年夏五月禁天下屠殺採捕時江淮旱饑民不得捕魚鰕餓死甚衆

玄宗開元二十二年五月以裴耀卿為江淮河南轉

運使置河口輸場

分天下為十五道置採訪使其一曰淮南道

天寶十五載永王璘反上皇遣淮南節度使高適討

之

肅宗上元元年冬十一月江淮都統劉展反

敕平盧兵馬使田神功討劉展

寶應元年建巳月楚州得寶玉十三枚改州為寶應

代宗廣德元年三月以劉晏為河南江淮轉運使安史

之亂天下財賦惟給于江淮晏之功居多

淮南節度使陳少游請本道稅錢每千增二百從之

詔他道皆增

以淮南節度使張延賞為左僕射延賞能於旱歲活民故有是命

德宗興元元年春正月以蕭復為江淮等道宣慰安

歷代 **淮揚志卷之三**

十三

撫使

五月江淮節度使韓滉遣使貢獻時京師荒歉滉貢練繒四十擔米百

艘京中米斗五百錢滉米至減五之四

貞元八年九月減江淮運米令京兆邊鎮和糴

二十一年八月遣使宣慰江淮

憲宗元和三年秋七月淮南節度使王鏐入朝鏐厚進奉

賂宦官求平章事以白居易言而止

六年初置淮潁水運使

敬宗寶曆元年江淮鹽鐵使王播進羨餘絹五萬疋

播誅求大急正貢不克羨餘相繼遂得宰相

武宗會昌五年春殺江都令吳湘

崔鉉罷為淮南節度使

淮南饑民多流亡節度使杜
悰荒于遊宴政事不治上聞

之罷悰以
鉉代之

僖宗乾符三年冬十月王仙芝寇淮南諸州

六年冬十月以高駢為淮南節度使

廣明元年黃巢渡江高駢稱疾不戰

光啓三年夏四月淮南將畢師鐸等發兵討呂用之

克揚州用之亡走師鐸執高駢而幽之

宣州觀察使秦彥入揚州廬州刺史楊行密引兵攻

之

歷代

惟揚志卷之三

十四

秦彥殺高駢

刺史楊行密克揚州

秦宗權遣孫儒攻揚州屠高郵

閏月楊行密斬呂用之

文德元年夏四月孫儒襲揚州陷之自稱節度使楊

行密將奔海陵袁襲勸歸廬州從之

昭宗景福元年六月楊行密擊孫儒斬之遂歸揚州

先是揚州富庶甲天下人稱揚一益二及秦畢
孫楊兵火之餘江淮之間東西千里掃地盡矣

秋八月以楊行密為淮南節度使

昭宣帝天祐二年十月朱全忠擊淮南不利

十一月吳王揚行密卒子渥代爲淮南節度使

四年春正月淮南牙將張顥徐溫作亂

淮南西川移檄興復唐室

唐天祐五年戊辰淮南張顥徐溫弒其節度使楊渥
溫復攻顥殺之

淮南將吏推楊隆演爲節度使

己巳年淮南徐溫自領昇州刺史

庚午年二月岐王承制加楊隆演嗣吳王

吳徐溫出鎮潤州留子知訓江都輔政

丙子年二月吳將馬謙等起兵誅徐知訓不克而死

歷代

惟揚志卷之二

十五

戊寅年吳副都院朱瑾殺都軍使徐知訓而自殺吳

以徐知誥爲淮南行軍副使輔政

己丑年吳加徐知誥兼中書令

辛卯年吳以其中書令徐知誥鎮金陵徐景通爲司

徒留江都輔政

十一月吳徐知誥召其子景通還金陵留景遷江都
輔政

吳加徐知誥大元帥封齊王加殊禮

丁酉年徐知誥建齊國于金陵

吳徐知誥稱帝國號唐奉吳主爲讓皇

唐主遷故吳主楊氏之族于泰州

唐主如江都

周顯德三年丙辰周主遣韓令坤將兵襲唐揚州取之

唐滅故吳主楊氏之族

周取唐泰州

夏四月唐兵復取泰州進攻揚州

周韓令坤敗唐兵于揚州擒其將陸孟俊殺之

唐末元等取舒和蘄州周揚滁州守將皆棄城走

周顯德四年周主進兵取揚泰州破唐人于鑿江口

歷代

惟揚志卷之三

十六

五年周主於迎鑾鎮擊唐兵破之

宋太祖建隆元年冬十一月周淮南節度使李重進

謀起兵拒宋宋主自將擊之重進自焚死

宋主詔推恩死于矢石及放罪李重進隨軍家口

唐主遣子朝宋主于揚州

宋主令諸軍習戰艦于迎鑾鎮唐主大恐遣子來朝

江南

即唐主徐誥國

松江巡檢盧絳募亡命習水戰屢破吳

越兵於海門

開寶三年吳越王錢俶以其地來歸詔封俶為淮海

國王

太宗至道三年分天下州軍為十五路其一曰淮南

仁宗皇祐二年閏十月詔太子中舍致仕胡瑗定嘉

樂瑗如

嘉祐元年劉敞出知揚州

四年韓琦出知揚州

英宗治平二年富弼以使相鄭國公判知揚州

神宗熙寧三年以薛向為江浙荆淮發運使

徽宗崇寧三年發運使胡師文以進獻入為戶部侍

郎

宣和三年二月淮南盜宋江掠京東諸郡知海州張

叔夜擊降之

歷代

惟揚志卷之三

十七

高宗靖康元年罷李綱知揚州

二年元祐太后如揚州

命都統制王淵等分討江淮羣盜

建炎元年冬十月帝如揚州

三年春正月金粘沒喝入淮泗分萬人趨揚州

二月詔劉光世將兵阻淮以拒金光世兵潰走還粘

沒喝遂陷天長軍帝馳至瓜洲奔鎮江是日金將馬

五帥五百騎馳入揚州城下追至揚子橋太常少卿

取九廟神主行亡太祖神主于道金人焚揚州而去

江淮制置使呂頤浩遣陳彥渡江襲金餘兵復揚州

盜薛慶據高郵張浚諭降之

江淮統制岳飛敗金人于廣德

韓世忠邀擊金兀朮于江中大敗之兀朮走建康復

引兵襲世忠世忠敗績兀朮遂趨江北世忠以八千人拒兀朮十

萬之衆凡四十八日金人自是不敢復渡江矣

命郭仲威為真揚鎮撫使

以岳飛為通泰州鎮撫使

紹興元年春正月以張俊為江淮招討使岳飛副之

三月武功大夫張榮擊敗金兵于興化捷懶北遁以

榮知泰州

歷代

惟揚志卷之三

十六

夏四月劉光世復楚州五月光世使都統制王德襲

揚州擒郭仲威送行在斬之仲威謀據淮南以通劉豫故也

三年九月以韓世忠為淮南東路宣撫使屯鎮江冬

十月詔韓世忠進屯揚州

韓世忠大敗金人于大儀追至淮而還沈與求曰自建炎以來將

士未嘗與金迎敵一陣今世忠連捷論者以為中興武功第一

三十一年六月以劉錡為江淮浙西制置使屯揚州

金人渡淮劉錡進軍楚州以拒之

劉錡將王權軍潰于昭關錡引還揚州金主亮入廬

州

金人陷揚州劉錡遣兵拒于阜角林大敗之錡以舟渡真揚

之民于江南留屯瓜洲

金人侵瓜洲葉義問使中軍統制劉汜禦之敗績義問走建康

虞允文敗金軍于采石金主亮趨揚州

劉錡罷以成閔李顯忠吳鎮為兩淮荆湖三路招討使

金主亮為其下所殺于瓜洲龜山寺

十二月成閔李顯忠收復兩淮州軍

孝宗隆興元年以張浚為樞密使都督江淮軍馬開

歷代

惟揚志卷之三

十九

府建康

二年三月張浚視師江淮

秋撤兩淮邊備湯思退急欲和好故也

九月以楊存中都督江淮軍馬

詔王之望勞師江上閏月金人寇揚州之望有罪免

五年春正月措置兩淮屯田

寧宗慶元二年十一月以丘宗簽書樞密院事督視

江淮軍馬

開禧元年八月以郭倪知揚州

二年冬十月金僕散揆陷安豐軍

金人陷真州寇六合郭倪遣兵救之敗績倪棄揚州走

理宗寶慶三年五月以李全為彰化保康節度使京

東鎮撫使全不受遂罷知揚州翟朝宗

全糴麥舟過鹽城知揚州翟朝宗嗾尉兵奪之全怒以捕盜為名水陸數萬徑擣鹽城戍將陳益樓彊知縣陳過皆遁全入城據之以狀白于朝故有是命

紹定三年十二月李全寇揚州節制鎮江滁州軍馬

趙范趙葵會師擊敗之

四年正月趙范趙葵大敗李全于揚州城下全走死

新塘事聞加范淮東安撫使葵淮東提刑

歷代

惟揚志卷之三

二十

端平三年五月以趙葵為淮東制置使兼知揚州

十一月蒙古將察罕寇真州知州丘岳敗之

淳祐二年七月蒙古兵渡淮入揚滁和州

十月蒙古陷通州屠其民

五年七月蒙古察罕會張柔掠淮西至揚州而去

十年三月以賈似道為兩淮制置大使兼知揚州

寶祐五年以賈似道為樞密使兩淮宣撫使

開慶元年八月蒙古忽必烈將兵渡淮九月渡江進

圍鄂州

景定元年七月蒙古使翰林侍讀學士郝經來脩好

賈似道幽之真州

度宗咸淳五年正月以李庭芝為兩淮制置大使

九年十一月以李庭芝夏貴為淮東西制置使陳奕

為沿江制置使

庭芝兼知揚州庭芝請分所部兩淮為二司故以淮西付貴

十年元史天澤伯顏大舉入寇渡江詔天下勤王李

庭芝遣兵入援

九月元劉整以博羅權趨淮西由東道取揚州

帝熈德祐元年春正月以汪立信為江淮招討使募

兵禦元卒于軍

孫虎臣夏貴之師潰于江上賈似道奔揚州元盡陷

歷代

惟揚志卷之三

三十一

江淮州軍

賈似道至揚州檄列郡如海上迎駕

三月元阿木分兵駐揚州與博羅權塔出絕宋淮南

之援

四月元阿木寇真揚州李庭芝遣守將苗再成姜才

帥兵御之敗績

十月元阿木圍揚州李庭芝力戰御之

十二月復遣柳岳如元求封行至高郵民稽首殺之

二年三月丞相文天祥使元軍被執自鎮江亡入真

州與守將苗再成議遣使結約淮西淮東兵合從興

復制置使李庭芝疑之遂浮海如溫州

元伯顏入臨安以帝及皇太后全氏福王與芮等北去至瓜洲李庭芝使姜才將兵夜擣元軍不克五月召李庭芝為右丞相姜才為保康軍承宣使七月李庭芝姜才赴召至泰州揚州守將朱煥泰州裨將孫貴等皆降於元庭芝才死之淮東盡陷八月元軍入真州苗再成死之

元世祖二十一年封皇子脫歡為鎮南王武宗至大元年十一月左遷敬儼為兩淮轉運使泰定帝三年封諸王帖木兒不花為鎮南王鎮揚州其子孛羅不花襲封

歷代

惟揚志卷之三

二十三

順帝至正十三年五月泰州張士誠兵起據高郵自稱誠王知府李齊死之

十四年六月張士誠攻揚州達識帖睦爾兵敗

九月命右丞相脫脫督諸軍擊張士誠

兵至高郵大敗士誠之衆

遂遣兵西平六合賊勢大蹙

十五年夏五月我

太祖遣帳前先鋒趙德勝擊鐵長官寨遂取儀真

冬十月遣左相國徐達平章事常遇春率兵取淮東泰州

丙申春三月徐達常遇春克高郵

丁酉夏五月江淮分院副使張鑑僉院何文政率兵
攻泰興張士誠遣兵來救鑑遣元帥徐大興張德林
擊敗之生擒其將楊文德遂克泰興
我

太祖遣使招揚州青軍統軍元帥馬得單安仁渡江
來歸

八月我

太祖閱軍于大通江遂命大元帥繆大亨元帥耿再
成率師攻揚州一鼓克之降其統軍元帥張明鑑置
淮海翼元帥府命德林同大亨守之

歷代

惟揚志卷之三

二十三

元守臣以真州降以周之貴知州事

十五年已取真州至是守臣復

以州降者蓋既取而元人復之至是乃降耳

戊戌春以常遇春為江南行省都督馬步水軍大元

帥旋師淮東

今揚州城小東門內有常府遇春所居也其子孫今人世守之

庚子春三月戊子朔我

太祖改淮海翼元帥府為江南等處樞密院命繆大

亨同簽樞密院事統御江淮總制揚州鎮江等處

閏五月何文政等兵累攻通州

乙巳年十月左相國徐達兵至泰興自江口開河達

口岸抵泰州南門駐軍平章事常遇春從揚州陸路

亦至合兵攻張士誠軍敗之賊退屯新城大軍屯舊城常遇春東築海安鎮城以絕士誠通州糧道閏十月大軍攻入之俘獲偽官夏思恭等

是年我

太祖以太都督府經歷陳灌總制真州軍事

吳三年十二月宋主韓林兒卒于瓜步

先是癸卯春二月張士誠

將呂珍入安豐殺劉福通等據其城我太祖率兵擊走之至是韓林兒始卒

吳四年九月我

太祖兵克平江執吳王張士誠以歸

兩淮徐邳皆入版圖

大明

歷代

惟揚志卷之三

二十四

太祖高皇帝洪武元年夏四月勅有司清江淮水濱及河際故道某日乘巨艘抵瓜洲舟入運河合半抵廣陵至淮陰舟師入淮

上如江淮先謁孔子廟幸學

出大明會典

論曰揚自禹貢職方後入吳越始有戰爭漢唐宋元以來變故多矣生民流亡屠戮慘不忍言休養生息在良牧守而已其州界江淮南北從來必爭之地所宜思患而預防之勿致噬臍無及也在漢若臧洪張超會兵討董卓在魏若毋丘儉起兵討司馬師諸葛誕起兵討司馬昭在

唐若李敬業起兵匡復唐祚淮南道移檄興復
唐室在晉若淮南王允討趙王倫在周若李重
進謀起兵拒宋徃徃發自揚州事雖不就而其
忠寬義氣勃然如在也宋李庭芝苗再成姜才
雖曰誤疑文天祥以失興復機會而其力戰拒
敵功烈膾炙人口厥後庭芝才赴召被執與再
成城陷而死亦無愧天祥也他如晉謝玄鎮廣
陵致有淮淝克捷宋韓世忠進屯揚州大敗金
人于大儀趙范趙葵大敗李全于揚州城下奇
功偉績照映史冊社稷民生尚亦有賴哉元季
聖主驅除旣平揚後北定中原天下一統用夏變夷
功高千古祚延萬世也嗚呼休哉

歷代

惟揚志卷之三

二十五

嘉靖惟揚志卷之三



下缺三卷